

На хвалитех стихиры на 4, глас 1:

Подобен: Небесных чинов:

Запев: Сотворити в них суд написан,/ слава сия будет всем препобным Его.

Небесных чинов яко предначальника,/ и сущих на земли человек крепкаго тя предстателя,/ хранителя же и избавителя воспеваем верно,/ Михаиле архистратіже,// молящся всякия тлетворныя болезни нас избавити.

Запев: Хвалите Бога во свях Его,/ хвалите Его во утверждении силы Его.

Чинопачальник сый горних божественных сил,/ днесь созывает человеческия лики,/ един со ангелы светлый праздник составити,/ собора их божественнаго,// и купно песнь Богу воспети Трисвятую.

Запев: Хвалите Его на силах Его,/ хвалите Его по множеству величества Его.

Под кров божественных ны крил твоих/ прибегающия верою,/ Михаиле божественный уме,/ соблюдай и покрывай чрез все житие:/ и в час архангеле, смертный страшный,/ ты предстани помощник всем нам// благоприемнейший.

Глас 4:

[Ефрема Карийскаго:] Трисолнечныя лучи Божественным светом осияваеми архистратизи, невестественных озаряете чинопачалия: якоже свет белообразне показующся в вышних, огонь облистае в мире неприступнаго Божества. Тем и Трисвятую песнь пламенными устнами непрестанно поете: Свят, Свят, Свят еси Боже наш, слава Тебе.

Слава, глас 5:

Идеже осеняет благодать твоя архангеле,/ оттуду диаволя прогонится сила:/ не терпит бо света твоего видети спадый денница./ Тем молим тя, огненосныя его стрелы,/ яже на ны движимыя,/ угаси ходатайством твоим,/ избавляя нас от соблазнов его,// достохвальный Михаиле архистратіже.

И ныне, Богородичен:

Блажим Тя, Богородице Дево, и славим Тя вернии по долгу, град непоколебимый, стену неборимую, твердую предстательницу, и прибежище душ наших.

На Литургии, прокимен, глас 4: Творяй ангелы Своя духи, и слуги Своя пламень огненный.

Причастен: Творяй ангелы Своя духи: